

贛縣志卷三十五

人物志

儒林

宋

曾松字堅伯幾從孫仕至江西帥參敬賢樂善居官以才廉稱嘉定中寓居建陽縣東北有山曰竹原為劉勉之舊隱處朱子問道之所也松慨想陳迹有志尚友作樂斯菴於其旁居之精修深詣友人黃幹為之記（謝志及萬姓統譜）

劉應李字希泌炳孫初名榮咸淳十年進士調建陽主簿入元不仕退與熊禾胡廷芳講道於洪源山居十餘年後建化龍書院於莒潭聚徒講授學者宗之（萬姓統譜）

明

彭希賢字宗孟孝友端慤訓迪子弟動有繩度敦行朱子家禮南贛巡撫汪尙寧廉其行誼特優異之憲使游震得集士子講學鬱孤臺稱為老友已由歲貢授湖廣安陸訓導

贛縣志

卷三十五 儒林

一

謝絕饋贄諄諄以躬行為教值歲稔貧生有不能舉火者分俸屬之卒於官祀鄉賢（舊志）

孫孔述字思明自少講心性之學尺步繩趨言動不苟後生遇之必歛容肅揖唯諾惟謹有過常面斥無所諱督撫汪周潭以文行表其宅中丞朱秋崖諸公尤加敬禮由貢為汝州訓導念母老不便迎養棄官歸母歿已皓首猶哀痛如孺子泣（舊志）

鍾家鳳字山文歲貢博瞻多才尤精理學嘗謂朱陸有同無異陸主尊德性直探其本朱主道問學循序漸進以復其原賞負笈三吳間從陳繼儒遊者皆重其學任博羅教諭陞南雄教授乞歸著有性理通解治抄全書及怡園詩（舊志）

鄧元昌字慕濂號自軒幼時日記數千言於書無所不讀十五補弟子員得宋五子書遂屏棄一切以理學為歸治四子書及諸經傳註務求精透訓子姓以小學動靜語默隨指點曰此入聖階梯也每朔望輒焚香拜讀西銘正氣歌兩赴省試即不復往曰父母老人子往返二千里可乎後母年八十寢食不稍離母或不豫必長跪得解乃已長兄

失明大小事必稟而後行後母弟早天使其婦與弟婦共寢處者三年姪幼孤撫如已  
出出則負之背而攜其子以行有田在城南秋熟視穫見貧人子拾秉穗者招之曰來  
汝毋然吾教汝讀書能背誦者量穀與汝羣兒爭呢就之始則使識字既使諷章句既  
以俚語譬曉之羣兒踴躍受教既卒穫羣兒噪曰穫畢先生且歸奈何有泣者自是每  
秋穫羣兒輒就學焉城南人無少長智愚皆肅然起敬稱鄧先生其待戚友多所周恤  
邑有義舉輒爲衆創拯溺捐租施醫藥所全活甚衆而自奉極清苦能虛己受人聞譽  
言輒變色告以過則跪謝疾革從容不亂自以手拊心曰能爲萬象主不逐四時凋以  
明經終（熙朝新語道原集寶志）